



Broj: 10-33-8156-6/23

Sarajevo, 12.05.2023. godine

SKUPŠTINA KANTONA SARAJEVO
-Skupštinska služba-

PREDMET : Odgovor na zastupničko pitanje – dostavlja se

Zastupnica **Smiljana Viteškić** u skladu sa članom 211. i 214. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, broj 15/13, 47/13, 47/15, 48/16, 9/20, 14/20, 16/22 i 17/22 - Ispravka), na šestoj radnoj sjednici Skupštine Kantona Sarajevo, održanoj dana 29.03.2023. godine, u okviru tačke Dnevnog reda "Poslanička/zastupnička pitanja, inicijative i odgovori" uputila je zastupničko pitanje koje se tiče kampanje vakcinacije protiv HPV, gdje je plasirana i do koga je dospjela, kao i da li se isplatilo, dok se drugo pitanje odnosilo na konsolidovani izvještaj o provedenim screening programima, da li su podaci uneseni u zdravstvene kartone u okviru sistema u zdravstvu Kantona Sarajevo, te analiza učesnika u kampanji.

U vezi sa pomenutim zastupničkim pitanjima dostavljamo slijedeći:

ODGOVOR

Proces nabavke HPV vakcina proveo je Zavod za javno zdravstvo Kantona Sarajevo prema smjernicama Ministarstva zdravstva Kantona Sarajevo. Ove vakcine su nabavljene po prvi put u KS i u decembru prošle godine započeta je vakcinacija u školskim dispanzerima u domovima zdravlja na području KS. U nekoliko navrata proširena je i dobna skupina za vakcinaciju.

Medijska kampanja za ovu vakcinaciju vršila se u sklopu kampanje "Život je u pitanju" i preventivnih pregleda koje je također organiziralo Ministarstvo zdravstva KS. Pored toga, putem kanala Vlade Kantona Sarajevo, Ministarstva zdravstva KS, službenih stranica ministra zdravstva, gostovanjima ministra na TV, radio i pisanim medijima svakodnevno je informisano građanstvo o broju doza, načinu organiziranja vakcinacije i dobrobitima ove vakcine za zdravlje. Izrađivani su vizuali za društvene mreže, promotivni spotovi i brojni drugi sadržaji sa bitnim informacijama na ovu temu. Također, periodično je grafički prikazivan izvještaj o preostalim dozama, lokacijama i terminima vakcinacije. Svi ovi sadržaji dostupni su na zvaničnoj stranici Vlade i Ministarstva zdravstva KS. Zavod za javno zdravstvo je kontinuirano vršio edukaciju roditelja, zdravstvenih radnika u ustanovama u kojima se vršila vakcinacija, izrađivane su brošure sa osnovnim informacijama. U prilogu dostavljamo i detaljan odgovor Zavoda za javno zdravstvo KS.

S obzirom na to da je Ministarstvo zdravstva zaprimalo upite da se građani drugih kantona vakcinišu protiv HPV u KS, može se reći da je kampanja imala veći odjek nego je to i bilo planirano. Potrošene su sve doze ove vakcine u KS.

Od jula prošle godine, obavljeno je preko 8.000 preventivnih pregleda u okviru projekta „Život je u pitanju“ koje je pokrenulo Ministarstvo zdravstva Kantona Sarajevo. Omogućeni su potpuno besplatni pregledi dojke, grlića maternice i debelog crijeva u osam privatnih i javnih zdravstvenih ustanova u KS.

Zbog sumnje da bi mogla postojati bolest, 709 osoba je upućeno na dalju dijagnostiku. Kod 48 osoba je, nažalost, definitivno potvrđena bolest i upućeni su na dalju dijagnostiku i liječenje. Spomenutih 709 osoba je obavilo pregled u fazi kada se bolest može prevenirati i otkriti na vrijeme, što pokazuje da je ovakav jedan projekt Ministarstva zdravstva bio jedan od najznačajnijih u prošloj godini. Prema ovim podacima, kod 10% pregledanih osoba postoji sumnja, a kod skoro jedan posto i potvrda bolesti. Svi ovi podaci su kontinuirano objavljeni na službenim web stranicama Vlade i Ministarstva zdravstva. Postigli smo to da Kanton Sarajevo polako postaje centar regiona i države iz kojeg se šalju poruke o važnosti prevencije i očuvanja zdravlja.

Proces unošenja u zdravstvene kartone pacijenata pokrenut je sa Zavodom zdravstvenog osiguranja Kantona Sarajevo, a podaci su sačuvani u serveru koji je obezbjeđen za potrebe ovog projekta.

S poštovanjem,



MINISTAR

Prof. dr Haris Vranić

Dostaviti:

- naslovu
- a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba


2/2



2267
Jural
03.05.23.

Broj: 05.3.34-2767-1/23
Sarajevo, 26.04.2023. godine.

MINISTARSTVO ZDRAVSTVA KANTONA SARAJEVA
Ul. Reisa Džemaludina Čauševića 1
n/r Ministra
Prof dr Haris Vranić




PREDMET: Odgovor na zastupničko pitanje Ministarstvu zdravstva KS; veza Dopis
Ministarstva zdravstva KS broj:10-04-8156-6/23 od 18.04.2023.

Poštovani,

Zastupnica dr Smiljana Viteškić je postavila pitanje koje se tiče odvajanja novčanih sredstava od strane Ministarstva zdravstva Kantona Sarajevo za medijsku kampanju započinjanja HPV vakcinacije u KS.

S tim u vezi Vam dostavljamo slijedeće informacije o tome šta je J.U. Zavod za javno zdravstvo Kantona Sarajevo poduzeo u skladu sa svojim mogućnostima za edukaciju roditelja i promociju HPV vakcinacije:

- U finansijskom planu za 2022. godinu kada je započet Program HPV vakcinacije u Kantonu Sarajevo, nisu planirana niti doznačena finansijska sredstva Zavodu za javno zdravstvo KS (u daljem tekstu Zavod) za medijsku kampanju, već samo za nabavku vakcina.
- Zavod je u dva navrata uputio Dopis ka Ministarstvu za odgoj i obrazovanje Kantona Sarajevo za organizaciju edukacije roditelja ciljane skupine djevojčica za HPV vakcinaciju (15.08.2022. i 07.11.2022.; na znanje i Ministarstvu zdravstva Kantona Sarajevo). Prvobitno je bilo planirano da se edukacija roditelja djevojčica obavi u školama ali zbog toga što Zavod nije imao povratnu informaciju/odobrenje od Ministarstva za odgoj i obrazovanje za saradnju, Zavod je odlučio da u opštinskim salama u popodnevnom satima, kada roditelji završe sa radnim obavezama, educira roditelje po ovom pitanju.
- Izrađena je brošura za roditelje o osnovnim informacijama o HPV-u i HPV vakcinaciji i značaju – upućena je kao prilog uz Dopis Ministarstvu za odgoj i obrazovanje KS, kao i Ministarstvu zdravstva KS na znanje, da se dostavi svim školama
- Tek u novembru 2022. je uspostavljena saradnja sa imenovanim koordinatorom ispred Ministarstva za odgoj i obrazovanje i započete su pripreme za edukaciju roditelja djevojčica osnovnih škola o značaju HPV vakcine.
- Organizirana je, početkom oktobra 2022. edukacija zdravstvenih radnika J.U. Dom zdravlja Kantona Sarajevo o HPV vakcini i primjeni iste sa svim smjernicama, s obzirom da se vakcinacija protiv HPV-a obavlja na primarnom nivou zdravstvene zaštite u J.U. Dom zdravlja Kantona Sarajevo.
- U drugoj sedmici novembra 2022. je HPV vakcina bila raspoloživa u JU DZKS.
- Zavod je 05.12.2022. započeo organizaciju edukacija o značaju HPV vakcinacije u opštinskim salama



Adresa: dr. Mustafe Pintola br.1, 71210 Ilidža
Tel/fax: 627-889; 622-227
web: <http://www.zzjzks.ba>
e-mail: gzavod@bih.net.ba



- Prva edukacija zakazana je u Opštini Vogošća – za roditelje svih osnovnih škola Vogošće; termin 15.12.2022. u 17 h
- Slijedeća edukacija zakazana za 21.12.2022. u 17 h, u Opštini Ilijaš
- Opština Centar 19.12.2022. u 17h; prvobitno je opština tražila da Zavod plati zakup sale
- Pokušaji da se dogovori edukacija za Opštinu Novi Grad nisu uspjeli – izjasnili su se da nema termina u decembru 2022.
- Specijalisti epidemiologije iz Zavoda su imali gostovanja na više televizija, davali izjave za medije, kao i putem pisanih medija odgovore na više novinarskih upita.
- Pripremali pisane e-mail odgovore na upite roditelja i udruženja građana, odgovarali na telefonske upite roditelja
- Odgovori za VOA news za BiH – tekst objavljen 09.12.2022. „Sarajevo: Počela vakcinacija HPV vakcinom“, J.K. Nauka i tehnologija, Izvor: <https://ba.voanews.com/a/6869087.html>
- Potkast: „Nauka govori“, projekat realiziralo Udruženje građana „Nauka i svijet“ u saradnji sa Ambasadom Savezne Republike Njemačke – snimano krajem novembra 2022. – dr Anisa Bajramović, spec. epidemiologije davala odgovore na pitanja o HPV vakcinaciji mladima.
- U sklopu edukacije koju trenutno obavljaju ljekari specijalisti svih profila Zavoda, po više obrazovnih tema za mlade, specijalisti epidemiologije su od novembra 2022. do aprila 2023. obavili edukaciju učenika završnih razreda u dvadesetsedam osnovnih škola u Kantonu Sarajevo o „Seksualnom reproduktivnom zdravlju i seksualno prenosivim bolestima“ gdje je jedna od tema i HPV oboljenja i HPV imunizacija.

S poštovanjem,

Izradila:

dr Anisa Bajramović, spec.epidemiologije
Rukovodilac RJ za epidemiologiju

[Redacted signature]

Dostaviti:

- Naslovu;
- Arhivi RJ01

[Redacted]

DIREKTORICA:

Mr dr Prim Alma Bungur

[Redacted]